

Disputatio medica inauguralis de theriaca / [Wilhelm Gottfried Gmelin].

Contributors

Gmelin, Wilhelm Gottfried, active 1720.
Camerarius, Rudolf Jakob, 1665-1721.
Universität Tübingen.

Publication/Creation

Tubingae : Literis Hiobi Franckii, [1720]

Persistent URL

<https://wellcomecollection.org/works/vxzr9zvw>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.

**wellcome
collection**

Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

Q. D. B. V.

DISPUTATIO MEDICA
IN AUGURALIS

DE

THERIACA,

QUAM

PRÆSIDE

D. RUDOLPHO JACOBO
CAMERARIO,

FACULTATIS MEDICÆ DECANO
SPECTATISSIMO,

Patrono & Præceptore suo Honoratissimo,

PRO

L I C E N T I A

Summos in Arte Medica Honores legitime
consequendi,

Publico Eruditorum examini submittit

GUILIELMUS GODOFREDUS GMELIN,
Dresdenfis.

Ad Diem Januar. M DCC XX.

Loco horisque consuetis.

TUBINGÆ,

Literis HIABI FRANCKII.

G. P. P. V.

DISTINCTIO MEDICAE
IN VIGUR NIS

HERIA

QUAM
P. R. W. S. D. B.
RHOOLPHO JACOBO

CAMERARIO
ACULTATIS MEDICAE BUCUR
SPECTATISSIMO

Patrono et Praeceptoris sui honorabilissimo

PRO
F. I. C. E. N. S. I. A

in Anthe Medicae Honoris legimus
collegium

THEMIS GODORREIDIS GMBLII

Præsidentis
Anno 1788

Facio horum
TU BAYO N.

Facio HIOBI FRANKKI



Σ. Θ.

Ui non dictus Hylas? Iliada post Homerum scribere: Crambem bis coctam recoquere: Et quicquid est proverbiorum talium, actum agere exprobrantium, metuiamus, obvertent nobis, qui vix conspecto Disputationis nostræ Titulo frontem rugare videntur. Nos hisce quidem minimè repugnantes, fatemur tamen, intentionem nostram non esse, refutare illum, qui dixit: *nihil dici, quod non dictum sit prius.* Tantum de nobis non præsumimus; saltem *Dnn. Opponentibus* aliquid erat proponendum pro materiâ litis, & eâdem occasione dandum aliquid Amicis, de nostro Themate nobiscum discurrentibus. Scilicet *Dispensatio Theriaca Publica* in Officinâ Pharmaceuticâ *Domini Patruelis*, eò tempore, quo absolutis pro Licentiâ examinibus erat de Disputatione Inaugurali cogitandum, prolixam videbatur subministrare materiam, ex novem libris decimum conscribendi libellum. Non agemus advocatum vel patronum causæ, academico potius more contrariarum partium sententias audiemus, in Theriacam enim quadrat & illud: *Laudatur ab his, culpatur ab illis;* iudicio potius B. L. relicto, quàm nobis sumto, nisi ubi opus videbatur, modestè. Transeant hîc aliena, quæ fortè in Dispensatione Theriacæ observantur, siquidem,

A 2

notan-

notante & concedente Pharmacopœiâ Augustanâ Renovatâ, aliquid hîc opinioni & consuetudini, imò pompæ, si non apud vulgum proficua, saltem non damnosa, dari solet. Nobis modò sit examini, quod fuit spectaculo nuper, & posthac erit usui publico. *DEUS benedicat!* Alexicacos enim mali averruncus non est nisi Ipse Ter Optimus.

Non uni *Literatorum* generi posset dari aliquid de Theriacâ. *Criticis* ante omnia hæc quæstio: Utrum, qui inter Galeni opera referuntur & passim citantur Libri de Ther. ad Pisonem & Pamphilianum, sint genuini, an sputii? quod quidem verosimilius: scripti tamen sunt satis galenicè. Deindè *Pœtis* notum esto, Theriacam legi descriptam carminis genere non uno; Galeno Andromachus Autor dicitur equestri, filius pedestri, usus! oratione; Superest enim ex antiquitate, tam carmen illius Elegiacum, quàm Damocratis Jambicum, nec deest Heroicum. Ex recentioribus citatur Eur. Cordi Poema; Odæ autem Sapphicæ M. Charas elegantes omninò merentur etiam legi, sunt benè multæ, numero vel 75. *Historici* sciant Marcum Aurelium Antoninum, qui Galeno l. i. c. i. d. antid. ex medio belli adversus Germanos per literas theriacæ compositionem mandaverat, metu tamen veneni familiarem ejus habuisse usum, utut Imperator Optimus, quippe Philosophus celebris post secula, non tam columnâ Romæ, quàm ad se ipsum dictis, benè! stoicè. Esset aliquid pro *Philosophis* etiam *Corpuscularibus*, scilicet occasione per Theriacam datâ in Libro ad Pisonem Digressio adversus Asclepiadem & Epicurum qui negabat alterationem, & opera naturæ in atomos & moles (moleculas?) referebant: Nisi esset in cap. ii. libri illius dubii. sed de particulis Rec. & qualitatibus Vet. vid. Boyle tr. d. orig. form. Et, si non eadem obstaret ratio, ex mediâ pharmaciâ Galenicâ haberent hoc *Chymici*; sc. sal theriacale.

cale, cujus virtutibus & compositioni dantur ibi duo sub finem capita: sed cineres modò sunt viperarum & vegetabilium cum nimiam farragine pulverum, ut vix placere possint Chymicis. Interim talium quoque habendam esse rationem vel Æthiops Animalis monebit. De viperâ quoque jam dum *Plinius* l. 29. c. 6: *Exuritur in olla cum sale, quem lingendo claritatem oculorum consequitur, & stomachi totiusque corporis tempestivitates. Hic etiam sal pecori datur salubritatis causa, & in antidotum contra vipersas additur.*

Ratio nominis est à viperis & ad vipersas: Aliàs non infrequens est vitium denominationis Confectionum ab ingredientium uno saltem, eoque sæpè non præcipuo, imò tali fortè, quo eleganter illa carere posset; exemplo ibi diafcoredii, & nunc pil. d. cynoglossâ. Inter *synonyma* fuit priùs *Galene*, non à Galeno, sed à tranquillitate; Sc. opium subest, à quo cur & quando quies vel perturbatio, quæstio est sollicito digna examine. Etiam Antidotus audit ex Viperis; quo ipso veniunt quædam Theriacæ *equivoca*. Nimirum *Plinius* l. 20. c. 24. Theriacam magni Regis Antiochi incisam lapidi versibus in limine ædis Æsculapii exhibet; sed hæc valdè simplex est, *nihil* habet *theriodes*, uti & diatefferon dicta. Et l. 14. c. 18. apud thasios vitis Theriace vocatur, cujus & vinum & uvæ contra serpentium ictus medetur. Transeant plura homonyma: Non solùm illa *Philosophorum Theriaca*, Adeptis reservata, quam vel mysticus ille viperæ circulus revolutæ ad caput caudæ, vel complexus maris & fœminæ signat, sed & quod Theriaca *Rusticorum* audit Allium: Et Italica dictum Theriaca *Germanorum* Roob Juniperi, Theriaca autem *Danica* minor in Act. Hassn. Vol. 1. p. 36. fuit spiritus ex terrâ sigillatâ, vel argillâ flavâ cimbricâ, ex cucurbita vitrea non sine sale volatili destillatus, pro egregio vehiculo

commendatus in acutis omnibus ; de quo videsis *Junkeni* Lexicon , & si placet ulterius *Beccheri* tam phys. subt. quàm min. aren. ubi ex luto, terris, filicibus, & arenâ medicamentum promittitur insigne. Unde nota : ob theriacarum illarum & sequentium plures scribendam nostram cum additione *Andromachi*, ne quâ sumatur per errorem alia quæcunque.

Definitionem formaturus consulat Logicos, quidnam conveniat pro Genere, an probent terminos artis, quales sunt Electuarium, Confectio, Roob, &c. vel dare possint aptiores : Differentia specifica num sit desumenda non tam à Laud. Autore, *Neronis* Medico, qui *Mithridatis* confectionem reformavit pro suo arbitrio, nec tam à *Galeno*, qui eam conservavit, declaravit, &c. quàm ab *ingredientibus & facultatibus*, in compendio non facilè proponendis : Sunt enim non modò multa, sed & valdè diversa ; prætenfa dirigi ad communem respectum *Antidoti*. Ex Regno quidem *Animali* vix nisi duo. Præter *Castoreum*, de quo deinceps, sunt *Viperæ*. De quibus dicenda præcipua huc redeunt : Ante omnia Ipsas ut *venenum veneno opponi*, Veterum quibusdam fortè visum fuit, Recentioribus non amplius ; qui non saltem viperarum gelatinam scopo mundificandi, & carnes cum spinis siccatas ut alexipharmacas præscribunt, verùm etiam ipsum suspectum oris liquorem dilui & hauriri prætendunt impunè, non futurum venenum, nisi extus instillatum vulneri. Transeat ergò illud apud *Zacutum Lus* : Theriaca magna veneno affectos curat, & sanos veneno afficit. De abusu tamen rei bonæ satis commodè intelligi & explicari potest. Hoc autem hîc miramur, adversus periculosum adeò viperæ morsum, ad quem in conficiendo hoc remedio prior ac potior videtur fuisse respectus, tot recenseri antidota, adeò

adeò inter se non convenire visa. Sc. *prater ipsam Theriacam*, insuper *viperæ exta* devorari, *caput* contritum imponi, æquè autem *sal volatile urinosum*, ac *pomum citrium acidum* laudari, constat. Mirum, animale venenum vel esse acidum, cui conveniat alcali; vel si sanguinem coagulat, acido curari. Ne de *Scorzonerâ*, de *Tormentillâ Fracastorii* quid dicam; ad di tamen omninò meretur *melissæ succus* cum *vino* haustus, ex *Actis Brixiensibus*. Ex *viperâ* autem *Pastilli*, qui theriaci vocantur à græcis, exstant jam in *Plinio*, l. 29. c. 4. Hunc legant, de modo parandi simul & de sermonis latini puritate cum curâ solliciti. Ingrediuntur utique *Theriacam*, & *Galenus* in ipsis conficiendis quasi rem magnam ageret, monuit cavendum, ne caro putrescat, ne panis acefcat, &c. Ita servantur adhuc, & fide publicâ, ne fraus subrepat, muniuntur: Sed, qui trochiscis virtute magnam partem exutis non præferat dictam cum spinis carnem benè mundam, candidam, vix erit quisquam. Addidit *Plinius*: *significandum videtur, è viperâ tantùm hoc fieri*. Cur non ex *Angue*? cui neisse etiam remedia multa modò dixerat, ut *Æsculapio* fuerit dicatus? Undè quæstio passim obvia, de substituendis viperis *Germanicis*: utrum *italicas* calidiores virtute adæquent? Nobis de periculo à *morsu serpentum nostrorum*, quorum in viciniâ suppetit copia, hætenus non constat: Benè autem, poni ab his *ova*; Sic non esse *viperas*, i. e. *viviperas*. Fuit qui *cæciliæ* in *theriacam* sumsisse legitur: sed quàm benè? Interim qui *Scincum* vidit, non potest non mirari, sumi tale quid in *mithridatium* & *aphrodisiaca*?

Ex *Regno Minerali* etiam habet *Theriaca* non nisi *tria*: Præter *Bitumen*, *terebinthinâ* solvendum, & tanti olim habitam *Lemniam Terram*, (*bolus diascordio* dat colorem & nomen germ.) est vexata *Chalcitis*. Sit ita, *chalcantbum* ipsi posse

posse substitui, vel sono cognatum. Id admirationem movet, *Galenum* petiisse istam ex *Cypro*; cupri ferace. Judicio quorundam, præstaret *Colcothar* omitti, tanquam escharoticum & causticum. Certè plerique *Theriaca* quos citabimus *Imitatores* in suis confectionibus id omittunt. *M. Listerus* Ex, d. hydr. ægrè tulit, chalcitin è Theriacâ, perindè ac Lapidem Lazuli ex Alkermes, voluisse omitti, rationem non addens, sed autoritatem modò Veterum, non ignarus æris metalli, & ens veneris perindè ac flores ammoniaci cœreolos laudare non ausus. Quod si ergò foret *vitriolum* tostum *cupreum*, an Theriaca vomitum moveret? vel num ab ingredientium cœterorum numero vel mensurâ obrueretur ejus energia? A circumforanei quidem per viciniam venditâ Theriacâ plerosque vomuisse constat; sed de causâ non item, quid ipsi fuerit permixtum. Ecquis enim fraudes detegat omnes, aut ex mixturâ tali ac tantâ dignoscat simplicia? Sumatur ergò *Vitriolum martiale* purum, veneris expers. Cæterum, si *Misy* super Chalcitia nascitur, per efflorescentiam, uti ærugo super æs, quantum à *minerâ martis dicta solari*, aut *pyrite usto*, per moram in æere humido quasi vegetante, differt? Sed *quæ ratio* talis mineralis hoc loco? vix ad *nigrorem* modò conciliandum, quem cum adstringentibus ostendere solet. Ad fermentationem promovendam aliàs *Vitrioli acidum* non tam aptum deprehenditur, quàm ad inhibendam. An ergò superest generalis ratio *Martialium*? Dubia, potior *adstringendo* vel *aperiendo*?

Ex *Vegetabili Regno* numerus ingredientium est longè maximus, reliquum omne in prolixo eorum censu venit ab illo vel ad sexaginta usque; Herbæ quidem, flores, comæ, ex *verticillatis* non paucæ; *umbelliferarum* potiora semina; *tetrapet. siliquosarum* non nisi duo; (quibus unum Sinapeos forte

ortè præstaret.) *aromata* verò & *aromatica* Veterum nota tantùm non omnia; tandem *gummi*, *resina*, *gummi-resina* leræque omnes. Eminent *Opium*: Ad quod prius quàm accedamus, cæterorum non tam singulorum, quippe quod voluox nimis foret, quàm præcipuorum & in conjunctione tantum, rationem habebimus, modo non uno. *Zacutus* nim med. princ. hist. quæstionem proposuit: *Utrum Theriaca nostris temporibus rectè parari possit*. Rationem dubitandi habuit, primò, pharmaca Veterum non pauca hominibus esse *ignota*; sed suppetunt pleraque, & suppetunt multa, ova, bona, veteribus ignota. Secundò dubitat ideò, quòd Theriaca nostro seculo *easdem non præstet facultates*, quas deus vi Veteres prodidere. Mirum, hoc dixisse Ipsum, qui, ut in seqq. audiemus, maximas ipsi laudes tribuit, & longum laudantium recensuit numerum, Theriacæ certè non nisi suo tempore confectæ. Quod si autem ipsa Eum fortè aliquandò destituit, cur non meminit, hanc esse conditionem remedium, ut nullum sit universale; quod dubio procul experti fuerunt etiam Veteres cum suâ Theriacâ, & experiantur subindè cum suis nimirum laudatis panaceis, qui amant hyperbolas. Esse autem solet hæc una ex ordinariis excusationibus, si quandò per excessum publicè commendatus medicamenti usus incipit remittere, sc. id non amplius eadem parari dexteritate. &c.

Si *temporis* ratio Illi movit quæstionem dubiam, non mirum, alteram à *loco* desumi dubitandi rationem. Etenim nunc omne spectat, quicquid contra *exotica* dici solet, quòd tardè ad nos veniant, non nisi vetusta, effœta, quòd fraudibus, mangoniis obnoxia, quòd in patriâ non habeant succedanea æquè bona, &c. Sed & hîc responsio foret non difficilis: Siquidem ea probari possunt omnia per in arte peritos, & quod bonum est retineri. Exemplo *opobalsami*, cujus

una pars quarta in dispensatione laudatâ oleo nucistæ fuit adjunctam. Cùm ergò mercatorum lucri amor sit operosus in subministrandis, quæ ab exteris merentur ob præstantiam comparari, quod vel solo vini, aromatum, opii, &c. exemplis patet, non est quod conqueramur de defectu. Quisquis tamen *avtarcian patria* docuerit, s. cum indigenis paria præstare norit, nihil in sui præjudicium dictum putet. Ergò Theriacam *confecturus*, antiquam quàm potest strictè observet descriptionem: ubi *Pharmac. August. renov.* succedanea, menstrua, modum miscendi & ordinem cum circumstantiis ita descripsit, ut qui eam sequitur & observat, non facilè erraverit, nec sine suo excidet. Theriacam autem *imitaturus* vel & *correcturus*, libero per nos suo gaudeat arbitrio, quin & capriccio. *Galenus* quidem singulari curâ in hoc negotio legitur versatus, quàm sollicitè pleraque descripsit, ad rigorosum usque mellis & vini examen, quàm cautè monuerit, præparationem non è libris, sed sub magistro esse addiscendam, quàm facilè errores fortè commissos fuerit subodoratus, hæc & plura ex primo d. antid. libro prolixè, ut prolixus fuit scriptor, disci possunt: Specimen tamen reliquit quàm obscuræ fuerint Descriptiones Veterum, quæ desumuntur à vagis & communibus accidentibus, omissis propriis certioribus & clarioribus; Certè quod Ipsi fuerit *cinamomum* dubium fuit. *H. Scretæ* quidem *Cinamomi Veterum* s. caryophyllorum, qui ipsomet Cortice excellentiores, drachmas duodecim, casia autem s. cinamomi *Recentiorum* acuti, unciam unam scripsit pro extracto suo theriaco.

Dedit hoc *aroma* occasionem joco serio. Ita enim *Galenus* l. I. c. 14: *Satyrus Magister meus unam ex Quinti facientis esse dicebat, asseverantis eos, qui duplum casia imponere jubent, si cinamomo careamus, similia illis facere, qui nos censent*

si quando falerno caruerimus, illius, quod in cauponis venditur, duplicata mensura bibere; siq₃ panis similagineus desit, furfuracei duplum comedere. Hunc lusum noster sibi per distinctionem expediendum putavit, concedendo, de istiusmodi rebus, quæ duplicatò etiam nocerent, & de excellenti quorundam præstantiâ; cum talibus autem adeò similibus, ut casia ipsi & cinamonum, perindè comparatum dixit, ac quando, quod peragendum foret ab uno homine robusto, si absit, à duobus imbecillioribus rectè perficitur.

Nec dum satis; Sunt rationes in adversum graviore, adversariorum Theriacæ plures: Et qui cum *Helmontio*, scholarum flagello, objiciunt *peccatum pluralitatis, disproportionis, contrarietatis ingredientium*, quasi simplicia, non pensaverit sed numeraverit Autor, ad inconcinnam suam formulam, invicem pugnantium sylvam. Transeant, qui simplicia sibi relinqui, non confundi, sibi propriâ methodo usurpati, volunt: Habebimus massam nostram maximè compositam pro simplici, modò proficuum, salutarem. Inter censors tamen acerbos antesignanus *Plinius* hæc reliquit, quæ exscribere placuit ex l. 29. c. 1. ubi contra attonitas quorundam persuasiones, qui prodesse nisi pretiosa non putant, insurgit: *Theriace vocatur excogitata compositio luxuria. Fit ex rebus externis, cum tot remedia dederit natura, quæ singula sufficerent. Mithridaticum antidotum ex rebus Llll. componitur. Interim nullo pondere aequali, & quarundam rerum sexagesima denarii unius imperata. Quo deorum perfidiam istam monstrante? Hominum enim subtilitas tanta esse non potuit. Ostentatio artis & portentosa scientia venditatio manifesta est. Ita ille Græcorum & Medicorum insectator, in quibusdam non malè, in multis aliis facilè corrigendus, in viam ducendus. Pluribus aliis supersedere possumus, omnes enim superavit citandus*

B 2

proin

proin quàm maximè Rivinus censurâ suâ universali: an non nimis acerbâ? De compositis qualiacunq; sint constanter statui delectantur in totum. Indignus namq; titulo Medici videtur, qui non quotiescunq; velit ex tempore meliora, & ad egrorum quorumcunque statum magis accommodata præscribere valeat. &c.

Audiamus & ex alterâ parte Theriacæ Patronos; quos inter primas fortè possit tenere Zacutus, qui vel ex hoc capite Galenum laudavit, Medicinæ Parentem, Virum sapientate, mirâque in genus humanum benevolentiam affectum, qui tantum tamque pretiosissimum præsidium subtrahi non fuerit passus, &c. Quare hoc pretiosissimum Antidotum non ab Andromachi mente, Galeni Marte Ingenuo, Principum Medicorum assiduo experimento: sed à supremo objectorum omnium Opifice, bonorum omnium Datore, originem duxisse verè affirmandum est, qui humani generis misertus, maximo honoris cummine, & fulcro in hominum mentem, tam sacrum, tam præstantem, tam excellens alexipharmacum introduxit, ut in iis, & similibus operibus, ejus majestas, benignitas, & Philanthropia à nobis palpari, illustrari, & veritatis, sapientia miraculique elogio celebrari queat. Accedant Stropharum quas laudavimus prima & ultima Charasii: *Omnia portans Opiata nomen Regibus quondam celebrata, nescit Quicquid oppugnet, sibi comparatam Perdere famam. Prospero summas Opiata ab usu Possidet laudes, nec habes in orbe, Pharmacum morbis, simul ac venenatius ullum.* Sic laudat venales qui vult extrudere mercato Nobis medium tenere consultum videtur in æstimo contentu Theriacæ.

In præjudicium Theriacæ Andromachi venerunt multæ confectiones ad imitationem vel & correctionem ejus à viris paratæ. Ipse Galenus singulari libro de antidotis plurimas recensuit; Nicolaus, Myrepsus Alexandrinus, à Fuchsio quodam

dam nostro conversus & editus prolixum valdè numerum exposuit; Accesserunt ultimis seculis Electuarium *de Ovo*, (cujus benè mentionem fecit *Wepferus* in *Cic. aq. cap. d. nuc. vom.*) *Orvietanum* &c. Inprimis in Theriacæ ferè locum passim successit *Diascordium Fracast.* tanquàm simplicius, temperatius. Et quis non probet Electuarium *Ludovici*, in diaphoreticas expectationes sufficientissimum, Theriacæ omni aliisque compositionibus operosioribus par, imò nonnunquàm convenientius, tenerioribus quoque & gravidis innoxium, &c. verbis *Em. Kœnig* in *L. E.* Item egregias virtutes possidere dicta *Secreta Confectio Alexipharmaca*, l. d. *tebr. castr.* descripta: Nec tamen hæc in officinas recepta nominim. Non defuerunt autem, qui quasi Theriaca non esset satis composita, ipsi adhuc superaddiderunt benè varia, quisque pro fiducia, quâ ferebatur in hoc illudve ex novis simplicibus. Ultra modum ita progressus fuit *Matthiolus* in suo Antidoto, ne quid omissum videretur, aut ulli querelæ præeritionis esset locus; sed in *Pharm. Aug.* jam invenitur inter minus usualia. Recentior est *Pasta Sudorifera Helvetii* in Praxi ipsius Gallicâ cum laudibus benè magnis recensita. *ic. per additionem, subtractionem, transpositionem fieri mutationes, docetur in physicis.* Sic in theriacâ multos offendit mellis triplum, triplum illud mellis toties exprobratum; cur in Trachma Theriacæ non nisi quindecim grana materiæ mellicæ? Cui bono reliquum mellis, dulcis, acris non convenientis promiscuè omnibus personis. Fieri quidem illius accessu *fermentationem* & quandam quasi essentificationem, adescio cujus novæ formæ & qualitatum originem, sunt qui prætendunt: Sed alii sua alexipharmaca sine melle in formâ pulveris prostare maluerunt, si quis bolum velit ex tempore edigenda in hanc formulam. Et *Diascordium* hi cum *Syrup-*

po granatorum, illi cum *papaveris* parari voluerunt, qui diversum sibi proposuere scopum.

Nec dum satis: *Chymici* resolvere, conjungere, corrigere, concentrare soliti, etiam reformarunt Theriacam. Ubi ante omnia Theriaca *Cælestis*, primò arcanum Aulæ Wurtembergicæ, postea variè passim tentata, e. g. in laud. libr. *Secreta*, & in lexico *Junkeni*, &c. quam quot subsequutæ sunt pilulæ Theriacales (e. g. in *Pharm. Aug.*) compendiosiores, & *bezoardica*, (e. g. Excell. Domini Præs. B. Parentis.) tot præjudicia fuerunt Theriacæ Andromachi, ut rarioris passim hæc fieret usûs, dum ea invaluerunt satis feliciter. Et est ratio pro his: Electuarium illud nec odore nec sapore ita delicatum est, ut per se gratiam mereatur; at paucæ, parvæ pilulæ facilè assumuntur, sine offendiculo, ut in proverbium abierint & *symbolon*, *pariter injurias non esse masticandas, sed deglutiendas*. Et quid dicam de *guttis* adeò ad palatum multorum, de *cochleari spiritus vini*, variè quoque Theriacâ tincti? Prostant passim *Essentia*, *Tinctura*, *Aqua*, etiam cum vino, aceto paratæ, *Spiritus Theriacales*, de quibus hîc præstat tacere, quàm parùm dicere. Commendabimus Lectori considerandum *Elixir Theriacale Helvetii*, cum laudibus magnis, non sine methodo, nec tamen sine exceptione mali, remedio interdum majoris, ab Autore descriptum. Remittimus etiam ad *disp. Inaug. d. mixt. simpl. Fratris Natu Majoris, Dn. Johannis Philippi Gmelini*, quem ductorem & socium studiorum ob affectûs sinceritatem ut par est amo, colo, mihi gratulor. Novissimum ferè medicamentum Theriacæ succedaneum in usu familiari per ædes nostras est *Elixir* illud, à *G. Kirchio* primùm nî fallor in calend. prioris sec. luci publicæ expositum, quod ipsi Theriaca addit *alœn*, *myrrham*, *crocum*, *gentianam*, *rhabarbarum*, &c. Dolendum modò in omnibus ferè inconstantes

stantes adeò esse animos mortalium, ut, quod modò non tantùm approbaverant, sed & miris modis in cœlum usque extulerant, brevi rursus dimittant, de aliis substituendis circumspicientes. Ut quod de vocabulis pœta, forsan transtuleris ad remedia: *Multa renascentur, quæ jam cecidere, cadentq̄, Quæ nunc sunt in honore.*

Pergendo in censu rationum *pro* & *contrà*, potiores videntur esse, quæ desumuntur ab ipso *Usu Theriacæ*. A longâ retro antiquitate citatur *Probatio* Ipsius duplex: altera cum veneno, altera cum purgantibus. Sc. *brutus*, gallo e. g. hoc medicamentum infuderunt, & objecerunt eum postea venenatæ feræ: qui biberint, ajunt, *roborantur, & à morfu vitam retinent; qui non biberint de Theriacâ, confestim moriuntur.* Similes historiæ exhibiti *hominibus* veneni, & subjuncti antidoti, vix alibi leguntur æquè auctoritate publicâ in præsentia medicorum factæ, ac in comment. *Matthioli* ad aconitum *Dioscoridis*: In *Præf.* autem libri sexti manifestantur etiam *fraudes impostorum*, venena, ut fidem faciant suæ *Theriacæ*, in publico theatro assumentium. Quemadmodum operæ pretium foret prius imitari, sic & alterum scire juvat, ne qui facile redit decipiatur facile. Voluit autem illud produci in exemplum, ad docendum, quàm sit melius *prævenire* quàm *præveniri*. *Nec enim Theriaca eam vim habet*, scribente Galeno, *ost venenum accepta, quàm antè sumpta habuisset.* *Portio antidoti, quæ prius & semel hausta tutum à morte quempiam præstitisset, ea venenum subsequuta nisi ad quadruplum vel quintuplum sumpta non juvabit.* In historia *Rex ille Ponti* fertur quidem quotidiano longo sui antidoti usu eò devenisse, ut cùm victus Pompejo vellet non potuerit ullo perimi veneno, sed gladio periri conficiendus. *Heucherus* tamen *Diss. sing.* cui *Titulus, Mithridates*, defendit hanc *Thesin: nullum dari medicamentum,*

*sum s. simplex s. compositum, quod sapius licet atque iterum sum-
tum, alexipharmacum veluti reddere, aut ita preparare possit ho-
minem, ut ab omni veneno immunis tutusque vivere valeat; quod
ex venenorum in primis varietate & diversitate fit verosimile.
Cautè tamen Maur. Hoffmannus in Botan. Lauremb. suavit Stu-
diosis Botanices, ut ne unquam itineri se committant, sine
theriacâ, vel diascordio, quorum quidem hoc caloribus æsti-
vis sit convenientius.*

A' *venenis* istis transibimus ad *venena contagionum*: Ita enim
Theriaceæ patroni procedunt, eam in pestilentibus insuper con-
stitutionibus laudando, & comparando cum Igne, quo *Hippo-
crates* Græciam liberavit, sic antidotum præservare & curare
diræ luis ignem. Ratio spei datur in Pharm. Aug. & modus
agendi declaratur ita: *Conducit, non tam animositate aliquam,
opii propter accessum, inspirans, quàm potius non exiguâ selectis-
simorum alexipharmacorum copiâ venenatum miasma oppugnans.*
Verùm enim verò multùm his decedet, si pluribus fuerit con-
firmatum observationibus per annos malignitatis nuperæ, quod
alicubi in grande præjudicium Theriaceæ fuit scriptum. Hæc
in literis *Gedano Vratislaviam* missis in peste valdè dicitur
fuisse noxia, ut etiam publicè fuerit interdictum Officinis Phar-
mac. eam tunc divendere; præservationem quoque cum ipsâ
tentatam caruisse successu, non obstante speratâ sanguinis
balsamatione, & promotione diapnoes. Additur autem specia-
le phæmonenon: *Sc. à theriacâ solenniter petechia, cum morte
subsequâ.* Non parum theriaceæ præjudicabit etiam *Praxis
Stabliana*, per quam rarus legitur ejus usus. Index Junkeri satis
exquisitus ei ne locum concessit; in cap. tamen d. dysent. si ma-
teriales læsiones remotæ essent, theriaca aliis præfertur: sed
in *peste*, antiquorum hoc divinum remedium fuit bonâ magis
intentione, quàm effectu, & sub promiscuo usu, opii notabilis
quantitas non potuit non displicere.

Altius hoc repetendum foret: Cùm *adversus malignitatem febrilem* in possessione quasi essent *theriacalia*, venit post & inter alios *Sydenham*, illam negans, hæc sub titulo *cardiacorum calidorum* damnans, imò *ipsis* adscribens phænomenon triste *petechiarum*, tanquàm calidioris *regiminis effectum*. Huic subjunge, quæ *Harris*, de fato *Reginae Angliæ* variolis extinctæ, imputat *theriaca*; cum notâ tamen, *doctrinam imputationis in actu exercito sæpè applicationis esse dubia*. Successit *Mortonus*, distinguens inter febrei magnam, & prævalentem malignitatem, illi corticem, huic alexipharmaca dando, eaque inter *Theriacam*. *Listerus* autem de variolis in specie utriusque methodum, sc. frigidam & calidam, scepticè videtur transmisisse, cum utraq; & sine utraq; æque multos convalescere ogerens. Primus tamen istorum plures habuit sequaces, in tantum, eosque inter *Hamiltonum* in febr. mil. fermentatoriam expulsionem sub nimia turbarum concitatione non posse feliciter procedere monentem. Dignum hîc inter alia benè multa erit examine *Dnn. Opp.* thema duplex: *Utrum efflorescentia istiusmodi maligna tunc non fuissent ventura, si Theriaca data non fuisset?* Et, quàm malum videatur signum à dato in malignis sudorifero conspectus macularum? Ne quis tamen putet, idem videri omnibus, & cum Theriacâ in dirâ luce quasi actum esse, operæ præritium erit evolvere *Eph. Nat. Cur.* & inspicere *Obs. 30, Cent. VI.* ubi febr. pestil. polon. *diascordium* & *theriaca* leguntur data non ad ℥j. sed ad ℥iij. quin ad ℥ß, & provocatur ad doses tantæ suaforem, *Borrichium*. &c. Sc. facile est monere ex *Galeno*: eâ moderatione esse assumenda antidota, ut nec præ exiguitate vincantur, nec præ copiâ ledant; sed per individua id observare, & suum cuique tribuere, in praxi non ita facile est. Spectat ergò illud ad medicinam heroicam, successu laudari solitâ. Nota tamen, doses istas ibi legi non sine exceptionibus, cautelis, vehiculis, qualium & nos in seqq. habebimus rationem.

Fuerunt ex *Italis*, qui *lvi pecorum*, illi grandi, inter alia etiam opposuerunt *chinchinam* cum *Theriaca pauperum* & *diascordio*. At *Societas Medica Genevensis*, ex hypothese, convenire febrem ibi exanthematicam boum cum variolis hominum, etiam cardiaca talia calidiora non probavit; indicationi materiæ morbificæ diminuendæ & evacuandæ aliter satisfactura. Nos quidem non novimus, etiam illi pesti vel frigido vel calido potuisse consuli, sed dolemus ignorari specifica, testimonio stragis tantæ in longum & latum. De *corticis* autem cæteroquin cum *laudano* & *diascordio* conjuncti exhibitione ad vehementiam spasmodum, dolorum, fluxuum, *Mortonus* passim, nec malè, ubi de proteiformi febrium genio, egit.

Altera probationum Antidoti hujus citatur fieri per purgantia. *Hæc si præsumtâ Theriacâ non operentur, Theriaca non adulterata criterium habetur*. Ingrediuntur quidem ipsam purgantia quædam sed sub numero & copiâ aliorum oblitterantur: *asarum, agaricum, rhabarbarum*, (dubiè, quia *Ponticum* scribitur,) & *gummi resinae purgantes*; quibus, si liceret quærere, cur non accessit *ammoniacum*, & *aloe*, frequentis ut olim sic hodiè usûs & mixturæ variæ scopo tam alexipharmaco, quàm servandæ alvi. Certè, qui *aloe opio* miscuit, pilulis suis talem titulum dedisse dicitur: *Surge amice & ambula*. Sic non absurdum foret, *diascordio* & *theriacæ* jungere purgans; ceu *Mortonus* extr. rudii cum *laudano* dedit, & copiosas inde cum bombis dejectiones notavit. Huc spectaret *Mercurii dulcis* vis purgatrix, ne ad alvum sed ad salivæ potius fontes determinetur, in *Theriacali* bolo exhiberi solita. Non est, quod hîc prolixè memoremus, notorium enim est, *Theriacam* ita ordinarium esse *Hypercatharseos remedium*. Et opponi pariter non malè alvi fluxibus, etiam epidemiis malignis, dysentericis ipsi. Ratio efficaciam fundatur in *Opio*, cum creditis suis corrigentibus: inter quæ primum *Castoreum*, per

se quidem virtutis nervinæ, expulsivæ, alexipharmacæ, opio tamen inprimis dari solitum, adeò ut fuerint, qui audebant quærere, *sine his duobus si foret, quid valeret Theriaca?* Ex hypothese autem, *frigus narcotici* sic requirere, accesserunt tot *calida, sicca, acria, &c.* Sc. uti vix fuit compositio Veterum ex prolixioribus & nobilioribus, adeoque destinatis usui universaliori, cui non indiderint opium: sic ordinariè ipsi sociarunt ferruginem aromatum, quasi condimentorum. Neutrum probatur multis Recentiorum, quin ut priùs ex capite caloris, sic nunc ex altero narcotico, metuitur, negligitur à non paucis Theriaca.

Non est hîc agendi locus de Opio pro dignitate; quam megalian ætæ præbeat, tam de modo agendi, sanè non ita facilè explicando, quam de usu controverso, cauto, ne temerè, ne timidè. Theriacam modò nostram concernit dubium: An sit nobis hodiè *Opium*, vel *Meconium*? quicquid sit, potens est narcosi nostrum. Item observatio, cùm *fermentatio* dicatur novæ formæ productrix, exemplo panis, vini, *opii* tamen *virtutem* ab ipsâ *non mutari*; unde discrimen in praxi observandum, inter *theriacam recentem* potiore & graviores vi *opii & veterem*, morâ temporis longâ quæ quid emisit vel deperdidit. Nota etiam meretur esse Proportio, quantum e, g. in theriacæ drachmâ sumatur *opii*? Duo grana, nimium videtur; an calculi error, vel vitium typographi, in Lex. Junk. Tandem omninò huc spectat quæstio: *Theriaca sine opio si foret an sudorem moveret?* Nobis sine ipso paratâ uti non contigit: roob tamen juniperi & sambuci vulgò sudores movet, sine ipso.

Paradoxum autem effectum deprehendimus citari, sc. *opii & theriaca* usum *adversus sudores* importunos. A. Piscarne rem sic explicuit: *Opium aptum esse sedanda tussè, agitatione corporis*

poris immodica sudores augenti; & cortici peruviano adjunctum
tussim, ac ab ea excitatos sudores imminuit, at si opium incomi-
tatum hec̄ticis tussi vacuis inferatur, sudores semper excitat. Ille
autem d. Ther. ad Pison. ita: *Quod in Cardiacis sæpè numero
conspicitur, maximum est opus Theriacæ: nam cum multis & con-
tinuis sudoribus corpus diffluat, atque ita vires dilabantur, ut
nec exhibitum vinum succurrere morbo valeat, antidotus ebibita
& sudorem opprimit, & concidentem ægri virtutem veluti susci-
tat, ex infirma valentem reddit.* Huc referre possum singulare
Experimentum Primogeniti Fratrum Meorum Honoratissimi:
Sc. Dn. D. Georg. Frider. Gmelin, Serenissimi Aulæ Medicus Cele-
berrimus, mihi per literas testatus est, Pastoris conjugem post
perpeffos jam diuturnos dolores cardialgicos, & sudores largio-
res colliquativos, solâ frequentiore assumptione Theriacæ fuif-
se curatam; quare adhuc quovis mane pisi magnitudine soleat
sumere tali cum successu, ut melius appetat die illo, ac aliàs
sine theriacâ.

Quia conjungitur ibidem usus Theriacæ ad *menses* etiam
quod mireris tam *sistendos* quàm *movendos*, & aliis etiam me-
dicamentis *contraria* interdû facultates tribui solent, quid ergo
videtur de benignâ interpretatione paradoxo, quæ mox subjun-
gitur: *Sc. antidoti virtutem esse multiplicem & variam, ob di-
versam subjectorum dispositionem, quædam enim egredi facit, cum
ipsa attenuet & diffundat, quædam ob imbecillitatem virtutis im-
modicè prodeuntia supprimit, vires instaurans.*

Sunt multa in libro citato Ther. ad laudem attributa,
fortè nimis multa, quorum pauca hic excerpere liceat: Com-
mendatur ipsa adversus *lumbricos*, quos potenter strangulat,
atque ita ventriculum ab insatiabili comestionis desiderio li-
berat: mirabiliter etiam ejicit maximum & latum illum ver-
mem, qui susceptum omne nutrimentum devorat, atque
ideò reliquum corpus extenuat. Huc retuleris illud *Gassendi*

ex vitâ *Peireskii*, de caniculâ, cujus obitum dominus ægre tulerat, lætatus tamen ob factum circa illam experimentum: cum enim in ejus cadavere inveniretur *series cucurbitinorum*, ab adhibitâ illi theriacâ observatum fuit non sine stupore, ipsam statim liquescere, & effluere in declive; hinc aliter mox catello-rum ipsi superstitum exhibitâ theriacâ convaluit. Addi posset *Epilepsia pueri ex vermibus* orta theriacâ curata, apud *Zacutum*: qui prius assidue ipsam, quod epileptico suaserat *Rhases*, ad antiquam illam, & casum à causâ frigida, restrinxerat; confer si placet *Heurnium* ad aph. 7. s. 5.

Sed nimis excrescit Disputatio; misso itaque usu externo laudato ad metuendam à *morsu maligno* hydrophobiam, (uti quidem cum *spir. vini* omni suspecto s. vulnere s. tumori extus imponere juvat.) properandum est ad *Cautelas Practicas*, sub quibus theriacam esse dandam sparsim monetur. Redeunt autem huc: *Ne quid nimis! ut tempestivè! præmissis præmitendis; conjunctis jungendis; habitâ ratione morbi, personæ, temporis, loci, &c.* Excessus fuit, cum olim crasso errore pro theriacâ *Andromachi* sumeretur theriaca *cælestis* in *conservam suspensoriam* *Vesperi*, & absumeretur ad noctes non multas: item cum loco *pilularum quindecim* de *succino* deglutirentur *totidem* earundem *theriacalium*; undè calor, sudor, tantum non octiduanus. Sed à simili aberrationis principio voluit deduci gravius fatum *Viri* sub circumstantiis tristioribus. *Beccherus* in *phys. subt.* ubi de *ferm. febr.* per *diaphoretica* fixa potius tractandâ, quàm per theriacam agendâ in caput, subjunxit exemplum cujusdam, sani quidem, sed ab usu nimio *pustulas hepaticas* in facie qui accepit, ac si lue gallicâ laborasset.

Nimum & intempestivum fuit illud *Antonini*, qui ut se à veneno tutum præstaret, *singulis diebus tantum theriaca, quantum est ægyptia faba magnitudo, sumsit.* Sed cum ipsum quotidie

inter vitæ functiones quoque profundo somno corripit accidisset, papaveris succum eximi iussit. Quare evenit, ut quia multus jam mensibus exiccantem antidotum accepisset, plurimam partem noctis insomnem duceret. Quamobrem coactus est, denuò theriacam assumere, quæ opium contineret. Tantum valet consuetudo, & tam cautè procedendum in introducendâ consuetudine dubiâ. Sic autem ille quidem theriacæ vitia & virtutes benè dignoscere doctus facilè creditur Galeno.

Theriaca tanquàm species sub genere stabit etiam in illo Pœtæ: Temporibus medicina valet, data tempore profunt, Et data non apto tempore vana nocent. Idem Pergamenus I. ad Glauco. c. II. de medicamine ex viperis ad quartanam dando, non nisi post vomitorium, nec quamdiu morbus crudus, legi meretur, quoniam à perversâ methodo non modò nullum successum, sed & malum eventum minatur. Ille ad Pisonem sub finem cap. 15. planè similiter procedit. Et ex Pharm. Aug: Præbetur in omnis generis rigoribus diuturnis, maximè verò quartanis, si quis eâ post inclinationem utatur; in biliosis verò febribus vitare oportet. De Mithridatio autem: Ad febres quotidianas initio accessionum, coctâ jam materiâ, avellana quantitate cum vino vel aqua, cui Salvia vel Mentha sit incocta, in aliis autem vespere sumpta vel admota, efficax existit.

Sic oportunum veneno remedium post vomitorium fuit Wepfero; quanquam Theriacam cum aceto suis periclitantibus à cicutâ vomitum movisse observavit. Musgravius etiam non nisi præmissis evacuationibus est Theriaca in censu podagrorum s. arthritidem internam expellentium: Podagricis ergo quæ promisit olim, de proficuo & tuto theriacæ usu sæpè citatus libri ad Pisonem Autor, intelligenda erunt de isto casu & modo, quem & observandum monuerunt Augustani: Podagrâ adflētis & arthriticis conducit, post inclinationem multoties

toties pondere drachma unius pota, pro viribus & acri temperamento. Talem quoque successionis medicamentorum ordinem servat Hamilton in febre miliari: si theriaca aliave opiata usurpanda viderentur, opportunè id fit, post apposita vesicatoria, quæ pravos opiatorum effectus inhibent. Tandem alteratum refrigerantibus corpus fert meliùs subjungi calidiora talia.

Denique vehiculi pro theriacâ nunquàm non fuit habitata ratio, diversi pro affectuum diversitate, cum vino vix nisi cum fuerint absque febre. Quid autem de calore toties vel adeò sumus solliciti, dum vulgus ipsam haurit, vel in vini Spiritu, Medico non consulto. Transeat cum cæteris. Quid porrò videtur de illo discrimine antiquitatis, quo ad hamoptoen si recens malum est, è poscâ bibendam theriacam, sin antiquum est, symphyti decocto, incipiente nocte dedit? Zacutus ubi modò scripserat: neque timeas febrem in pestiferis, neque calorem theriaca, mox in seqq. subjungit limitationem non inam, à tempore, loco, personâ, &c. cum monito, permiscendam frigidis, ut acido citri, limonum; contrà tamen in contrariis. *Henr. Scretæ* libro d. febr. pestil. qui *Dresdæ* prodiit, è *MS. Et. B. Parentis*, multus fuit in inculcandâ eâdem regulâ generali, de non præscribendis tunc theriacalibus, nisi cum acidis.

Fracastorius malignitatis summo gradui remedium majus non norat, quàm sui diascordii drachmam, & specierum corallialium duos scrupulos, cum aceti, & succi citri ana unciâ unâ, succi Lujulæ duabus; pro haustu. Unde hîc non præternittenda *J. Franci alleluja*, s. electuarium gravi tempore ipsi familiare, constans theriacalibus conservæ acetosellæ pernixtis; cum *Butleri* specifico, mithridatio in duodecuplo conservæ. Quid ergo vetat, quominus cum diascordio detur & nitrum: cujus quidem in Praxi Clinicâ *Fr. Hoffmanni* occurrunt specimina. Theriaca autem è Citro facilis erit imitationis,

tionis, excipiendo species conservâ & syrupo corticis & succi Citri,

Essent talium, quæ excerpi & proponi possent, plura ut constaret publicè, de *Prudentiâ Practicorum*, quam in præscribendo theriacam & observarunt Ipsi, & commendarunt Aliis; habendo rationem tam *ætatis*, (pueris certè ipsam ve non vel non nisi parcè concesserunt) quàm *temporis & loci* sc. per differentias *æstatis & hyemis, regionum, temperamentorum, morborum, &c.* Item de *Comparatione Theriaca & Mithridatii*: De *Dispensatione* non tam in simplo quàm in multiplo ut duret massa melius; De *ordine & modo permixtionis* tot *Ingredientium*. &c. Sed ista modò sufficiant.

Quid superest, nisi ut ad finem disputationis *suadeamus precemur, Usum Nostri Remedii Prudentem, Benè Proficuum* & agamus Deo T. O. M. gratias; cum devotâ simul imploratione *Benedictionis Divinæ per Praxin nostram Medicam*

DRESDA Tibi vitam 1.) dedit & me 2.) nutriit, una

Sic bene nos junxit 3.) mensa, juvante DEO.

Et 4.) PATREM PRONOEA Tuum divina beatum

Ad Patres quondam duxit, Avosque meos.

Sit { Tecum } semper Patrum DEUS unus, & Idem
 { Mecum }
 Nostrorum, sic stat firma utriusque salus.

1.) A. MDCXC V.

2.) A. MDCCIII. IV. V. cùm Sereniss. Principi ac Dno. D. FRIDERICO LUDOVICO, Duci Württemberg. nunc S. Cæs. Majest. Campi Marechallo Locumtenenti, Principi ac Domino meo Clementissim. essem à directione Studiorum & Sermonibus sacris.

3.) A. MDCCXVII. XVIII. MDCCXIX.

4.) Excell. Pater Nobiliss. Domini Licentiati à B. meo Avo Dn, Lic. Pregize Moralium Professore, Avoque meo Materno, B. Dno; Brotbequio, Medic. D. Prof. instar Filii fuit habitus.

Nobiliss. Dno. Licentiato GMELINO, Cognato, Commem. & Fautori suo Aestumatisimo adplaudit.

M. Georgius Conradus Pregize

Ecclesiæ Tubing. Diaconus.